



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpk.gov.my

SIARAN MEDIA

PROGRAM SENTUHAN AGRO MADANI NEGERI SABAH

KOTA KINABALU, 21 OKTOBER 2023 –Kementerian Pertanian dan Keterjaminan Makanan (KPKM), buat julung kalinya menganjurkan Program Sentuhan Agro Madani Peringkat Negeri Sabah, dirasmikan oleh Timbalan Menteri Pertanian, Datuk Chan Foong Hin, di Kompleks Sukan Likas, hari ini.

Program selama dua hari ini melibatkan sebanyak 29 pempamer terdiri daripada Jabatan dan Agensi dibawah KPKM, Persekutuan dan Negeri, termasuk syarikat swasta dan Institut Pengajian Tinggi Awam (IPTA). Turut diadakan lebih 80 gerai jualan produk pertanian yang melibatkan usahawan Lembaga Pertubuhan Peladang (LPP) dan Lembaga Pemasaran Pertanian Persekutuan (FAMA).

Gerai jualan Produk Industri Kecil sederhana (IKS) seperti Amplang, sambal, kerepek, produk sejuk beku turut menyediakan jualan murah *Happy Hour* dengan tawaran diskaun yang menarik serta jualan produk makanan dan minuman, buah-buahan, sayur-sayuran dan *food truck*.

Chan ketika melancarkan majlis tersebut berkata, Kementerian sentiasa cakna dalam menggalas tanggungjawab mengenai keterjaminan makanan dan dalam memastikan ianya kekal terjamin, kerjasama yang utuh daripada pelbagai pihak seperti Kementerian, Jabatan dan Agensi, Kerajaan Negeri, pihak swasta, badan bukan kerajaan (NGO) dan rakyat secara keseluruhannya melalui *Whole-of Government* dan *Whole-of-Society Approach* perlu diperkasakan dengan mengutamakan keperluan dan suara rakyat.

Program berimpak tinggi seperti ini memerlukan kerjasama strategik serta jalinan sinergi bagi memastikan aktiviti pemasaran pelbagai produk agromakanan tempatan dapat diperluaskan merentas Kementerian sama ada diperingkat Persekutuan, mahupun Negeri.

Majlis ini turut menyaksikan pelbagai acara penyampaian geran dan penyerahan bantuan serta *Memorandum of Understanding* (MOU) yang memberi manfaat kepada 7,428 orang komuniti peladang, nelayan dan usahawan di negeri Sabah dengan nilai keseluruhan RM4 juta.

Antaranya adalah penyerahan jentera kepada LPP (Sabah) berjumlah RM1.87 juta, penyampaian Program Bantuan Elaun Sara Hidup Nelayan Lembaga Kemajuan Ikan Malaysia (LKIM) berjumlah RM15.79 juta. Penyampaian program Pemerkasaan Usahawan Peladang (*Rise-Up*) kepada 27 orang peserta berjumlah RM1.45 juta dan penyerahan Lori *Cold Truck* LPP kepada Pertubuhan Peladang Kawasan (PPK) Lahad Datu berjumlah RM200,000.

Turut diadakan penyampaian Agriprenntis usahawan LPP kepada 10 orang peserta berjumlah RM200,000.00, penyerahan Geran Agro Pelancongan kepada seorang usahawan LPP berjumlah RM150,000, penyampaian Geran Agropreneur Muda kepada 4 orang usahawan LPP sejumlah RM80,000 dan 8 orang usahawan FAMA berjumlah RM160,000. Penyerahan Program Rezeki Tani kepada 3 orang usahawan LPP dengan jumlah RM30,000 dan 5 orang usahawan FAMA berjumlah RM50,000. Penyampaian Geran *Signature* Produk kepada seorang usahawan FAMA berjumlah RM30,000 dan pemberian Kelengkapan Input Pertanian kepada Unit Hortikultur Hospital Mesra Bukit Padang oleh Institut Penyelidikan dan Kemajuan Pertanian Malaysia (MARDI) berjumlah RM3,000 serta perjanjian persefahaman (MOU) bagi Projek Tanaman Jagung Bijian di antara pihak LPP dan Koperasi Pembangunan Desa Sabah (KPD).

Hadir sama Pembantu Menteri Pertanian Sabah, YB Peto Galim, Ketua Setiausaha KPKM, Datuk Lokman Hakim Ali, Timbalan Ketua Setiausaha (Pembangunan), Datuk Badrul Hisham Mohd, Ketua Pengarah Lembaga Pertubuhan Peladang (LPP), Dato' Azulita Salim dan Pegawai-pegawai Kanan Kerajaan Persekutuan dan Negeri.

KEMENTERIAN PERTANIAN DAN KETERJAMINAN MAKANAN
21 OKTOBER 2023